

建昌府志卷六十三

藝文紀八詩

五言律

題東林寺壁

宋 曾致堯

江南楊柳春日暖地無塵渡口驚新雨夜來生白蘋晴沙鳴  
乳雁芳草醉遊人向晚前山下誰家賽水神

龜峰精舍

李 覲

去縣二十里路平時正春四山惟有石一寺更無塵融結疑  
天意經營憶古人但知安樂處何必是全身

隱居

危 固南城人

高士隱居處迢迢綠水灣數間玉川屋七里子陵灘出入是

建昌府志

卷六十三

藝文紀八

一

非外醉醒文字間千鍾天子祿不肯換清閑

遊福山寺訪顓公

傅 權

來尋大知識深歷幾重山崎嶇最高處逍遙自在間簷寒流  
水入牕暗宿雲還却喜逢平叔清談屢破顏

題冷真人像

楊 傑

煉成金鑠骨藥就誰與分祇有千尋木更無三尺墳風雷法  
師宅玉石冷公文遺跡問不得丹崖空白雲

題仲兄死節

魯 晷南豐人

同寅驚膽落罵賊風颼颼君父綱維重華巨道不侔魂隨金  
刃遶血濺越江流原隰哀人處餘杭涕泣求

南豐先生輓詞二首

陳師道

早棄人間事眞從地下遊邱原無起日江漢有東流身世從  
違裡功名取次休不應須禮樂始作後程仇

精爽回長夜衣冠出廣遮勲庸畱琬琰形像付丹青道喪餘  
篇翰人亡更典型侯芭才一足白首太元經

白水寺

曾季狸南豐人

暫假僧房憇炎蒸覺頓忘誰知六月雨一似九秋涼石徑苔  
痕滑稻花田水香鳴蟬休嘆息相與共徜徉

宿正覺寺

曾季狸

正覺江邊寺西風倍冷然庭羅合抱木門泊釣魚船暮雨涼  
初過中秋月正圓無人來此夜獨自占江天

寄裘父曾艇齋

朱子

建昌府志

卷六十三

藝文紀八

二

有約來何晚行吟遡遠風老懷清似水雙鬢亂如蓬晤語非  
無得踈傭正略同清秋湖上集只是欠車公

登郡學稽古閣晚望

蔡柟

簷外川原迥煙中草樹微山城暮吹角客子淚沾衣歲月經  
身老行藏與願違歸禽帶落日渺渺背人飛

遊華子岡紅泉碧澗

曾極南豐人

去城纔半驛深谷自透迤藤絡奔厓石松垂倒地枝寒山縮  
毛髮碧澗照鬚眉霜氣全消歇空存太傅祠

南豐道中

黃文雷南城人

此縣聞天下披圖且萬家螭頭餘佛屋鹿角卧江沙好與□  
凋瘵誰令息嘆嗟春風多少意殘竹映松花

此路通南國於今人少行遺民依廟住曠野用鋤耕古木□  
痕熟空山鬼火驚猶聞宿師處倉猝又招兵

南豐縣南臺包敏道趙伯成同遊

戴復古

笑傲南臺上東風吹鬢絲眼明花在處春好雨晴時樓閣多  
臨水溪山可賦詩留連無盡意故遣酒行遲

輓知臨安府事兼浙西制置使曾公淵子

曾子良 金谿人

德祐思良弼江西出大臣報忠昭漢義靖獻有殷仁皎日五  
朝老清風百世人幾時歸袞繡秋草卧麒麟

永紹傳賢啟慈元拱女堯鰲山猶鼯廩鵬海極扶搖宮殿春  
旗曉簾幃社飭朝龍□拳不及鸞馭去□遙

建昌府志

卷六十三

藝文紀八

三

立海終風黑流光雙日紅餘波濺勃澥仙仗岌空同宗廟□  
靈在公師禮數崇平生精履屐尙覺小臣忠  
反輶榮歸寢帷堂哭設衣神情如夢叶滄海悵心違百世功  
名立千年城郭非任安猶未死哀泪不堪揮

遊麻姑萬松庵

元 貢師泰

積雨變秋思清遊愜道心過橋分履迹問寺逐鐘音紅墮鳥  
爭果綠深魚占陰何當脫塵鞅重此契幽尋

建昌胡氏小有樓

陳 旅 莆田人

窈窕麻姑宅登臨憶謝公近聞好山色都在小樓中屋□□  
霞吐城深翠雨通石池正當戶人立藕花風

畚寇二首 選一

劉 □

未死身何寄謀生計轉沉從渠天地濶奈此雪霜深歷歷平生事悠悠永夜心不眠何限感涼月半牕陰

遊仙壇

明趙濟南豐人

名山招勝覽契合聚三花野簌供春筍神泉酌紫霞暖風生殿角銀燭度牕紗飲罷清虛境松梢掛月華

上飛鰲峰

何文淵

岍潤人家遠天高樹影低龍藏通海井雁落釣魚磯石徑蒼苔滑春園紫蕨肥欲知方外事此處問禪機

春日上麻姑覽勝

南城人余濬

麻姑奇勝地佳境迥難羣綠樹啼黃鳥青山住白雲花當口水落路向小橋分歸興笙歌裡匆匆已夕曛

建昌府志

卷六十三

藝文紀八

四

送友還盱江

黎擴

新涼生白苧游子倍淒然客思秋砧外鄉心旅雁前西風千里道斜月五更船亦有還家夢隨君到汝川

福山

何奩

早歲曾遊此重來鬢已華山寒初衣袂寺僻自爲家佛影疑千古泉聲入兩涯吾人原有樂端不爲琪花

同劉見湖遊萬年寺

黃儀新城人

晚鐘鳴古剎仙旆出天台尋竈丹埋草看碑字蝕苔洗花微雨過擘柳好風來野衲時供酒幽懷對此開

憇龍潭菴

李萬實

短輿經鷲嶺小剎俯龍宮法界諸天近禪房萬籟空水光熏

日氣雨意失山容齋粥焚香罷冥心向此中

初夏登眺天峯

鄧元錫

江城開宿雨孤嶠共躋攀龍氣畱蒼壁鶯聲響碧灣危峰斜帶郭幽徑曲盤山不少東林興迢遙未忍還

仙都觀

張于岸  
南城人

尋幽來此地選勝到山房竹密風聲迥松高日影長煙霞淹杖履歲月寄壺觴道士開調鶴茶煙午過墻

同涂山公夜渡江門

璩一麟  
新城人

看山不覺晚乘月過江門野寺橋邊路漁家竹裡村長林侵古渡遠燒隔寒原獨夜同君去幽懷未可言

同黃季兆遊盱江樓

黃立言  
廣昌人

建昌府志

卷六十三

藝文紀八

五

遙山合遠翠江水自悠悠信美仍吾土乘閒一倚樓萬家煙井出十里故人畱是處饒文酒當歌可破愁

夜泊龍湖登仙居閣

黃端伯

閣夜鳴風迅江天渡月寒石林幽獨到沙路暝相看倒樹斜懸壁驚濤急下灘長懷仙境勝便欲棄儒官

廩山寺

江佩  
新城人

物理觀無盡秋光戀薜蘿閉關鐘磬寂伴客水雲多雨過花猶濕林青鳥獨歌江流煙樹外山徑少人過

建昌城

彭海鹽  
人

白水橫官道青山繞廢城餘民百戰盡落日一江明露下秋  
□斷營空野鶴鳴僕夫已憔悴前路自相驚

同諸公歸有園看桂涂允協索賦

國朝

□

黃綴高秋樹香迎過客衣偶然來曲巷及伴扣柴扉坐□□  
聞葉酒闌花落卮主人興不淺欲去索題詩

宋碧眼泉詩

黃

采南城人

泉在郡治元妙觀前百步石上刻有宋碧眼泉四字  
一泉開僻壤幽性□涓涓世遠埋荒草原清飲壽仙夜深清  
映月晝靜碧涵天石上蒼苔古題名宋代鐫

同羅珂雪王玉文張復旦過語石院茗談

鄧

相逢不用揖何地可披襟共說南山好招同片石深潭雲今  
日事花鳥去年心多小前塵影漁歌出暮林

建昌府志

卷六十三

藝文紀八

六

嘉禾道上

魏

寧都人

征途嚴夙駕起坐聽雞鳴細雨望中合諸峯雲裡生炊煙村  
斷續春草路縱橫苦旱今方稼紛紛又說兵

釣石獨坐

孔彝則

南豐人

直鈎無處下興至且敲針泉石聊如此巢由非所心落花江  
上月流水夢中琴安得漆園叟同余一賞音

瑞峰山

曾鴻麟

南豐人

文人欲避俗往往在高山地以偏而遠身從物外閒柴門竟  
日閉澗水時潺湲已識幽居味年來訪嬾殘

兼山樓秋興二十五首

選四

詹明章

筮言早得良素志愜山靈避亂同王粲依家似幔亭門環三

谷水閣坐一峰青徒倚看牛斗懸知有客星

仙跡麻源近清修古哲遙煙飛平野外雲斷碧山腰帆影看  
迢遞江聲夜寂寥豈無羨門子天路屢相邀

乍見黃花發更添幽興濃江聲懸四壁秋色度千峰歷落杯  
中酒逍遙雲外踪小樓三五尺猥與坐元龍

千秋泉石在此日重穿裁掃徑月常近經霜花倍開何心雲  
出岫得嬾劍生苔櫟社亦徒寄憑人說散材

謁甘雲隱仙師墓

趙希倣

繫公生五季蟬蛻出煙霞劍履仍荒壠衣冠尙世家遙傳弄  
白日何處覓丹砂俛仰寒山暮槐亭空月華

簫曲峰

魯瑗  
新城人

建昌府志

卷六十三

藝文紀八

七

匡廬抱絕秀簫曲並知名雁腋雷畱影琴臺石隱聲上有雁腋洞琴

石臺星懸千嶂濶月放萬山平靈鳥今何在天空夜籟鳴

遊太平寺

郡別駕  
黃元治  
新安人

碧草人家盡清溪佛寺開孤雲隨鳥過雙水送帆來石火茶  
新焙山門竹短栽遊情原野意鷗鷺莫驚迴

秋日同諸友過暢園水亭

張士裕  
新城人

選勝得陶謝招提到赤溪空亭生古思叢樹入新題岫列書  
臺畫苔殘屐齒泥寒禽如喚客啼過夕陽西

秋曉登雲蓋山二首

梅枚  
南城人

策杖西郊路秋原怯曉涼衣沾衰草露屐破板橋霜瓜蔓懸  
棚熟楂梨薦齒香煙霞高絕處指點是仙鄉

□□憑眺望秋色畫圖中曲澗泉花白疎林柏葉紅藥□封  
灌莽碑板卧空峒勝蹟幾興廢登臨憶謝公

碧濤菴

鄧文錦

南城人

翛然塵外境曲徑可幽居夕照蘿陰合春山□雨餘鐘聲千  
嶂裡花氣一簾初風起飄衣袂臨溪坐釣魚

晚泊盱江

譚苓

軍峰遙已近夕照尙孤舟幾載客中月三年故國秋遠鴻江  
岍宿曲水暮煙浮何日閒魚釣時來泛白鷗

天峰寺

鄧錕雲

隱隱珠宮路相攜□暮鐘短墻風弄竹長夜月穿松詩響驚  
山鬼燈明透遠□所思曾不見一任白雲封

建昌府志

卷六十三

藝文紀八

八

百丈嶺絕頂

曾袞

南豐人

汗漫千林外微茫四望中亂山圍綠野遠水破青空海盡吳  
雲接天窮楚塞通豪吟當落日輕袂忽凌風

登南山

心空

南山何寂寂獨有倦雲還日落孤煙上林空一鳥閒荷香浮  
水面竹屋隱松關倚杖柴門立臨風羨白鷗

五言排律

題劉居士江樓

宋 曾致堯

劉八江樓雅詩家不易言春風花對岍夜月水當軒簾捲□  
山入牕開白浪翻畫來須妙手夢去亦清魂吟稱雲初滿登  
宜雪正繁魚龍慣燈火鷗鷺識琴樽波動簷搖影潮回砌露

□勢雄鄰碧落景好怕黃昏未許凡蹤到寧教俗態存主人  
憑□處寥廓共誰論

送瞿生還拜親

晏 殊 臨川人

門標楊氏闕家有漢皇書射策淹前志鳴榔省舊居  
仙人罕到幽境畫難如雲竇開賓館芝田足歲儲修詞窮五際爲  
學慕三餘努力文明代翹翹託乘車

同徐殿丞遊麻姑山陳屯田聞之以詩見寄次韻第一

首

李 覲

良友嗟塵網相期物外遊求珠非赤水不死是丹邱  
機上麟交擘樽中蟻亂浮仙家一度醉人世幾千秋  
藥氣多畱鼎茶香細出甌堯人方曠蕩容易學巢由

建昌府志

卷六十三

藝文紀八

九

和曾密公江樓詩韻

朱 褒 南豐人

太史聲名重江樓昔有言詩清排屈宋意古挹羲軒  
飛棟蒼雲合窺魚白羽翻臺高縈水府氣爽返梅魂  
市遠風埃潔川腹草木繁滄浪初出日瓠落可浮樽  
曲岍踈帆影枯槎隱燒痕秋容天漠漠春意雨昏昏  
地易規模在碑新典則存溪山重入座先哲豈虛論

登從姑山

明 邱兆麟

盱市干人沸姑山一地閑樓臺蒼翠外雲雨暮朝間  
丹竈經年隱青扉盡日關雲封松色老風送鳥聲蠻石罅鏤天巧波  
光照客顏崖難容盼踈路費幾躋攀林藪驚元鶴汀洲見白鷗  
高情方傲睨清興未闌珊

送楊集□歸盱江

國朝王

聞君讀書處門對金船峰齋閣花時雨寒林定後鐘諸天□  
共食樵客晚相逢入洛思前事還山邈去踪凌煙拂鸞鶴□  
髮弄芙蓉板渚潮痕落邗江酒思濃談經時有暇爲寄別來  
悰

康熙十四年乙卯九月七日南豐陷沒明年丙辰十一

月十八日又嘯聚數萬攻圍磐石等砦薄暮直抵西

郭城下許總鎮運籌帷幄馮將軍奮力馳驅以寡待

衆以逸待勞開門誘敵設奇取勝月夜酣戰聲撼天

地豐民得以再生紀實二十韻

劉

南豐人

幅員驚坼裂城郭半蓬蒿山縣隣閩界千家陷賊壕瘡痍猶

建昌府志

卷六十三

藝文紀八

十

未起豺虎復羣嗥岌岌孤城困蕭蕭殺氣高積陰霾白晝蘓  
雨望丹旄推轂新遴選雲臺舊節操烏雲諳陣石詩酒疾揮  
毫整暇當臨敵雍容似舉毛仲冬旬八夕蠡聚百千曹佯比  
回郊壘覆兵隱澤臯見星飛羽鏑明月照征袍輕騎繞其背  
開關示不囂漏深酣夜戰兵寡見人豪賈勇聲彌震遊魂笑  
倏號朔風悲鼓角腥血染弓刀乘勝雷轟烈追奔免脫逃赤  
黎生肉骨巖砦醉春醪鐃鼓齊歌凱旂常特紀勞一身都是  
膽三畧更兼騷文武比周吉璽書重見褒

六言律

遊麻姑山

宋 朱

彥南豐人

羽駕龍車舊宅金爐玉簡幽宮雙練亭前秋水七星杉下春

風蓮沼何年變白桃源幾度翻紅明月清陰居士星冠羽  
髯翁一弄瑤池新曲夜寒風入霜松

七言律

登麻姑

唐 劉禹錫

彭城人

曾遊仙跡見豐碑除却麻姑更有誰云蓋青山龍卧處日臨  
丹洞鶴歸時霜凝上界花開晚月冷中天果熟遲人到便須  
拋世事稻田還擬種靈芝

麻姑山

白居易

下邳人

簾庭雲色卷青山昔有真人種得仙金骨已隨鸞馭去古壇  
猶在石巘邊鳥啼花笑空朝日樹老松高積歲年願學麻姑  
長不老擗麟開宴話桑田

建昌府志

卷六十三

藝文紀八

十一

經麻姑山

劉滄

麻姑此地煉神丹寂寞煙霞古照殘一自仙娥歸碧落幾年  
春雨寫紅蘭帆飛震擇秋江遠雨過陵陽晚樹寒山嶺白雲  
千萬片時聞鸞鶴下仙壇

寄麻姑仙壇道士

南唐 查文徽

別後相思鶴信稀郡樓南望遠峰迷人歸仙洞雲橫地花落  
春林水滿溪白髮只應悲境鑷丹□猶待寄刀圭方平車駕  
今何在常苦塵中日易西

麻姑山

沈彬

高安人

□殿松蘿太古山仙人曾此話桑田間傾雲液十分日已過  
□生一萬年花洞路中逢鶴侶水簾巘底見龍眠我來遊禮

□心願欲共怡神契自然

題軍山徐秀才居

宋 曾致堯

賈斷軍峰不計錢屋前屋後水潺潺青春花發簾帷外白日  
雲浮棟宇間金鼎欲成紅氣溢玉芝初種紫苗慳未知桃熟  
先生醉鶴馭何人得往還

垂玉亭

李 覲

聞說麻姑海上還風濤振動萬山間雪花似玉鋪瓊島瀑布  
如簾掛玉關龍卧溪潭如可見仙歸石室邈難攀飛流直下  
三十丈太白英才豈等閒

韓偓集有自撫州往南城縣舟行見拂水薔薇之詩南  
城吾鄉也因題八句

李 覲

建昌府志

卷六十三

藝文紀八

十二

韓偓當年赴七閩舟行過此倍凝神江邊石上知誰處綠戰  
紅酣別是春往事幾多書不記仙源依舊地無塵花光柳色  
今何限更有才人勝古人

逍遙樓峰

饒子尚  
南城人

疊嶂南奔似躍龍逍遙樓畔識竒蹤雲根盤地三千丈石笋  
參天第一峰歲久已知蒼蘚合曉來常怪翠雲封肩輿却過  
株槎路曙色嵐光隔幾重

雲門寺

蔡冠卿  
南城人

憶昔雲門月正明煩襟消盡覺神清林泉自濯塵埃事松檜  
靜含風雨聲山鬼聽經藏戶牖野猿偷果墮檐楹幾年京□  
緇塵滿何日臨流一濯纓

麻姑山

王無咎

仙輶昔日此畱連氣象遼遼尙宛然溪落斷崕爲遠瀑路從  
絕頂見平田千年芝有靈禽戲一洞雲畱羽客眠已樂勝遊  
塵境外况陪清論酒尊前

大父太師密國公賦詩江樓世稱名筆從姪子績得之  
以居肇緬思祖德且愛績之能繼志也爲賦一首

曾肇

當年太史謫仙翁筆落江樓氣吐虹無復琴樽對鷗鳥空遺  
松栢幾秋風由來蘭玉生臺下重見溪山入座中顧我豈能  
繩祖武倚欄歸思附冥鴻

逍遙閣

洪炎

建昌府志

卷六十三

藝文紀八

十三

傑閣龍樓倚翠微中秋午夜望清輝桂枝委地三千尺柏影  
垂壇四十圍簫鼓或疑風雨下雲霞猶想錦帆飛至今井臼  
依然在不見歸來丁令威

靜思院上元日

洪炎

麻姑山換越王山憶昨下元今上元老去休驚頻客寓春來  
不擬問田園長塗豺虎中原近挾日風雲四海昏夢遶瀟湘  
無落處好憑楚些與招魂

過悲猿嶺

傅

翼南城人

參差茅屋帶村煙駟路崎嶇石磴邊風物畫成三谷景溪山  
分斷七閩天夜猿乘月悲霜樹秋石和雲瀉隴泉謝守遊來  
幾千載何人能爲續佳篇

靈運詩朝發悲猿嶺  
落石卽此

題紫霄觀

王嚮  
南城人

薜蘿縈拂道巖斜高入層霄踐紫霞地長杉篁環羽蓋風兼  
簫鼓落仙家危峰自照當巖月絕壁堪通上漢槎人世不知  
真跡好只尋流水訪殘花

同知縣陳公彥遊章山寺

李山甫

想見尋幽到此山詩成珠玉笑談間蓮花社裏千年約柏子  
香中一日間寂歷松窻連遠籟縈紆竹徑斷荒灣琴堂吏散  
簾垂晝檻筍何妨數往還

和南豐先生西遊之作

陳師道

孤雲秀壁共崔嵬倚壁看雲足懶回睡眼賸緣寒綠流醉頭  
強爲好峰擡山僧煮茗畱寬坐寺板題名卜再來有愧野人

建昌府志

卷六十三

藝文紀八

十四

能自在塵樊束縛久低徊

和南豐先生出山之作

陳師道

側徑籃輿兩眼明出山猶帶骨毛清白雲笑我還多事流水  
隨人合有情不及鳥飛渾自在羨他僧住便平生未能與世  
全無意起爲蒼生試一鳴

麻姑山

李綱  
邵武人

魯公詞翰勒山巔鯁峭風姿却喜仙假道來遊非偶爾追尋  
遺跡更茫然野花芳草真成夢老鶴喬松不記年誰謂瑤臺  
無路到月明風露正娟娟

九日登屏山

謝堯仁  
南豐人

有約携壺九日遊扶筇選勝豁雙眸天空晴送羣峰翠野曠

□生落木愁濁酒故饒狂士態黃花羞插老人頭憑高不管  
風吹帽坐破屏山一色种

吊曾景建詩

景建名極謫道  
州死事詳傳

樂雷發

太極樓頭霽月寒斷絃綠綺不堪彈窓前自長濂溪草澤畔  
還枯正則蘭蒼野騷魂惟我吊烏臺詩案倩誰刊傷心空有  
金陵集畱與江湖灑淚看

紅泉精舍

曾極

十里長松一幅巾温湯靜濯滿衣塵石門隔斷世間事仙窟  
能容鶴上人已主謝公爲北道更依華子作西鄰紅泉可酒  
兼宜茗便合躬耕老此身

麻姑山

元程文海

南城人

建昌府志

卷六十三

藝文紀八

十五

步入千峯紫翠間清都境界異塵寰龍鱗老木冰霜操鳥爪  
仙人玉雪顏臺榭古碑荒蘚合旌幢微影白雲閒丹成雞犬  
飛騰久空想丹爐煉火還

懷易將軍山林

劉壎

咸淳中竹谿易安撫招予游繡谷園時海棠百十樹  
盛開有飛橋跨花上名曰貫虹客乘橋俛視花光爛  
熳如紅雲冉冉生足下宴酣索予賦詩有水繞桃源  
隄上下花迷金谷路高低之句今二十年意終不慝  
故追賦此且寄懷舊之思

記得尋芳繡谷中蜀棠如錦醉春風橋橫玉竦凌香霧人步  
紅雲立太空吟客尙存風景換將軍何在夢魂通知心豪俊

□□盡一度花前一憶翁

宿南臺道院

危誠可

門前滿眼是黃塵夜叩山房寄此身在太極先原有道除神  
仙外少閒人沙塹方石千年織水到南臺幾度春縱得金丹  
真不死海枯塵起更傷□

答盱江聶空山

虞集臨川人

老去文章不滿車蕭條家學賴兒扶從師受業渠能達對客  
揮毫我病蘓春雨解憐轅下犢朝陽愛及屋頭烏德星何日  
賢豪聚膝上瑤環看畫圖

大社令吳公楚材

昭忠逸詠之一

劉鱗瑞南豐人

誰道盱江一布衣龍韜虎略豈知蹊鉏耰劉陳螳初奮鼙鼓  
建昌府志  
臨風馬已嘶漢將追奔飛白刃楚囚羈繫化紅泥寵褒已矣  
忠難泯不向泉關嘆噬臍

卷六十三

藝文紀八

十六

遊麻姑山

郝天挺

步入尋幽境更佳石田瑤草帶煙霞註經洞古忘遺檢養藥  
爐存失舊砂青鳥空傳王母信綵鸞應到玉皇家巖扉不掩  
春長在老却碧桃無數花

紫霄觀

南豐州尹史文彬丹陽人

攀蘿深入紫霄遊九曲寒溪遶樹流野鳥一聲春寂寂山花  
滿逕日悠悠香爐風濕雲煙冷石洞棋閒歲月幽到此更撫  
塵俗氣宦情牽惹不堪畱

題軍山

明南豐典史馮堅南豐州人

巍峯萬仞插銀河況值天邊夜雨過一帶翠屏青窈窕半空  
螺髻碧嗟峨巖花風過香成陣石澗沙明水漾波快我登高  
臨絕頂九重清露濕鳴珂

三谷幽居

左紹之  
南城人

先葉何年此卜居落成今復見吾廬一溪煙水科陽外四面  
雲山宿雨餘杖履欵門非俗客籤函滿架有藏書遊絲不到  
紅塵遠日撫孤松樂自如

日山

丁泰亨  
新城人

躡屩穿雲望上台分明天際起樓臺松花樸面飄金粉竹露  
流香沁石苔山鳥不啼僧入定洞門深鎖鶴飛來禪家許我  
閒登眺自抱瑤琴自往回

建昌府志

卷六十三

藝文紀八

十七

高空山

羅祐之

昔年曾此一登臨四面空青照客襟曲徑步回紅日近孤亭  
坐久白雲深山中清賞懷風月世外高情慨古今最喜故家  
遺澤在幾回春雨到喬林

麻姑山

左贊  
南城人

路入雲關亂白雲仙都樓觀幾朝曛苔深雨逕畱麇迹芝滿  
春田下鶴群丹井不逢勾漏令玉壇空憶紫陽君高懷誰似  
陶宏景共聽松風到夜分

和羅一峰太史麻姑山韻

謝士元

肩輿度嶺更穿雲竟日躋攀已夕曛松徑風微猿抱子芝田  
雨過鶴呼群霓旌縹緲來金母羽蓋翩翩降道君仙境□□

人境遠四時風月許誰分

登斗華山和劉季仁韻

張昇

停驂偶上斗華峰玉笋參天一徑通燈火懸窻開小殿煙霞  
隔水落疎鐘冰壺寒透千山月石枕陰迴萬壑松到此漸忘  
身外事尋幽更覓短支筇

日山

王材新城人

松嶺筠關此重尋層巒兩度涉春陰花緣江路紅初薄水帶  
山橋綠轉深丹井細煙畱絕壁洞宮香雨散疎林興來不憚  
登臨數燈火黃昏下碧岑

哀吳烈女詩

有序

李萬實

嘉靖四十年辛酉秋八月閩寇數千陷石油村破荷

建昌府志

卷六十三

藝文紀八

十八

石砦吳生宙女友悌年十五死焉先是吳族避砦上  
賊晝夜環攻十餘日羣力困甚遂見襲女知砦且陷  
乃携弱弟徧告伯叔父母以爲託旣而泣與母訣諸  
母咸慰止之女垂涕對曰我少女畱祇辱先人耳言  
未絕遂踊身投崖而死時某月某日也越半月賊退  
父收其屍顏面尙未敗止額顱皮破方寸許人咸嗟  
異李子聞之爲之泣數行下曰嗟嗟烈哉吳女至性  
蓋夙成云觀含淒訣母割愛如遺對諸母一語凜不  
可犯豈姆訓使然或世有號偉丈夫者臨難周章幸  
少須臾無死自謂巧全卽不死視烈女羞死矣乃收  
淚爲之詩以俟觀民風者採諸

砦門不守此身危腸斷慈親訣別時莫訝舍生輕似葉只緣嗜死美如飴珠沉玉毀形難化石轉厓枯志不移擬續曹碑垂野史觀風何日許陳詩

題愍忠祠三首

鄧元錫

重雲疋馬黎灘水返景朱衣石峽湖此日精靈還走敵當年論議慨非夫危艱一劍千秋白坎珂孤忠百戰紆閩海風塵誰定息南天佇立迥愁予

新祠突兀倚山阿千載遺踪寄薜蘿人世盡憐金斗大天風長傍夜臺多路翻黃葉秋凝戶廟俯澄江水不波他日總戎東出峽停轡立馬試經□

三年同地昧平生掩袂西風幾愴情多難生前惟雪涕論功

建昌府志

卷六十三

藝文紀八

十九

身後竟浮名龍蛇陣逐江煙散牛斗光畱劍氣明欲起九原挹瀟爽滿天涼露月盈盈

正因寺

高佑

南豐人

蘭若深藏山四圍小橋流水自扶藜十年不到僧都老一話相逢晚未歸筆爲寫懷纔掃壁藤如畱客故鈎衣那知世網何時謝向此清齋坐翠微

杉關

蕭岐

聞說杉關道路難我行今日到杉關良田流水七八月華屋長橋數十間茅舍避人常塞戶筍輿送客遠登山布帷撥盡秋陽裏時有清風拂醉顏

紫陽墓

左泐

南城人

一卷神符草色迷劍歸崆峒尙紅霓丹房火伏青鸞隱□□  
煙沉白鳥啼風送龍湫傳工液雨滋鷺嶺障雲梯蓬壺路杳  
憑誰問聊寄瓊樓看日西

興福寺

曾麟

閑拖鳩杖故穿雲步入仙都謝世氛鶴返危巢辭碧落龍歸  
古洞帶腥雲爐中丹劑何勞試木杪泉聲不厭聞覓得鈞天  
三弄曲鳳簫吹向玉宸君

飛鰲峰

璩新城人

萬水浮空半欲摧石林秋影踏崔嵬長岳過嶺夕陽盡落葉  
滿山風雨來澗水遠尋朱嶂入竹房幽借翠微開悠悠莫問  
人間事日日峰頭醉不回

建昌府志

卷六十三

藝文紀八

二十

晚過廣度蘭若

璩新城人

空山禾黍過斜陽避暑尋僧到上方竹裏雲閒禽自語花邊  
秋老蝶先黃鐘鳴午夜雙燈寂月蒲疎林萬壑蒼杜子卽今  
超世外時時來往贊公房

寄湯惕菴先生

國朝陳順德人

早辭旄節遂抽簪渺渺高蹤不可尋江上二毛生子舍天中  
孤月照臣心青松自必千年老白石聊爲半夜吟近別海頭  
無一字壺公巖迥壁潭深

大覺巖

傅金門瀘溪人

誰能大藥點朱顏物外孤筇絕嶺攀丹粒鼎中文武侯黃金  
海上有無間王喬當日曾乘鶴李耳何年更出關剩得桃□

歌欲笑白雲深處買青山

題徐升伯典籍遺草兼示拙菴吏部 鄧

雙龍入洛何年事飯後青山每共凭欲識選君清似水  
第看國子澹于僧滄桑以後詩逾老邱壑生成位最能曾負劍頭  
添一映畱將他日上徐陵

君未病前曾出濺  
花吟囑予序次

經呂灌園先生故里 黃有庚

新城人

遙望林邱氣藹然灌園知□雋山川勞勞有客詢孤隱落落  
無人唱葛天菝圃已隨芳草盡詞林空帶野煙眠即今餘得  
高風在渺矣先生六百年

登從姑 南 苗 平 定

怪石凌空見若驚傲然不屑與群爭是誰屈作麻姑從自我

建昌府志 卷六十三 藝文紀八 二一

推尊米丈兄一線天開呼帝座雙虹水合鎖江城長庚下榻  
譚詩外槃礴飛鰲欲上征

突兀竒嵐入翠微神鰲鼓浪勢將飛劈開巖巖金爲翼迸出  
琅玕玉作梯客有三星懷斗北往來一口吸江西直今立雪  
姑名從天步丹梯照晚暉

大阜山 梅之珩

南城人

翠微樓閣近江津共說靈仙羽化辰洞口桃花還一笑壇邊  
琪樹已千春宵分搗藥呼山鬼月落焚香禮上真雞犬雲中  
亦將去可知不受世間塵

遊靈谷山 陶 成

南城人

一眺石巖心境開况教天際豎亭臺

上有倚亭

每憐幽境人間

少慣放閒情谷口來康樂鑿山難免癖子期釣水豈無才靜  
尋勝跡添詩思漫潑仙泉洗筆埃

題青綏黃孝子祠

聞曦

一心澄澈渾天真足撼風雷泣鬼神三十八年歸道左百千  
萬劫識前因孝能至此方成子行不如斯總愧人我亦間關  
時負米對公惟有淚霑襟

羅丹惕母病剜股

梅渭

浩劫風輪路已賒孀慈薪棘實堪嗟頂焚目斷長生草肉顫  
心安劍樹花海水淚枯雲黯澹鵠原臂搯枕橫斜

時丹惕伯兄宸右客

滇未歸

圭峰明德風猶在純孝知應出子家

丙戌十月小有山房落成

鄧墳遠

南城人

建昌府志

卷六十三

藝文紀八

二二

高閣凌空百尺遙幾圍松竹上干霄泉聲夜落雷奔峽雲氣  
朝升雨過橋鑿鑿田園開地脈離離禾黍浸山腰風生月出  
清明候尙有神仙弄玉簫

麻姑仙壇

鄧逢年

南豐人

昔人舊日此乘鸞此地猶餘舊日壇碧樹靜隨丹竈冷青山  
空見七星寒峰迷五老雲千片水瀑雙泉雪萬竿何日仙娥  
仍載酒紅蘭春雨復盤桓

重遊萬靈峰

林

軒

瀘溪人

躡磴披雲撫石屏岩巖特地接高冥晴搖樹色連溪紫秋刷  
山光遶郭青何處佛歸長謝鳥幾年僧去暗飛螢疎鐘已逐  
香城劫空歎重來兩鬢星

督學王公刊近溪先生一貫編志喜

吳陳琰錢塘人

南城人說羅夫子兵火頻仍賸此編百谷真源千里合萬川

皎月一輪圓從姑有宅音非寂先生講學從姑山高弟升堂品最先

謂楊復所太史書出雙江知嚮學得魚何必定忘筌

觀瀑樓

何天爵

建昌城外麻姑好觀瀑樓中足卧遊天為名山開面目人將  
傑閣占風流望餘煙火通青昊劫後滄桑記白頭惟有元龍  
留意氣豪來千古一登樓

天一山感秋

姚永克南城人

天空孤口過樓頭曾記鶯花此地遊雙眼乾坤衰草接一番  
風雨大江流蕭蕭野白蒹葭岼漠漠煙黃橘柚洲回首平原  
建昌府志

卷六十三

藝文紀八

二三

宮瓦綠月明猶照古人愁

蔡經舊宅

鄧牧

絳節靈旗上界清衆仙同日會方平黃金闕老安期棗白玉  
樓高子晉笙拔宅有時歸碧落驂鸞何處泛滄瀛海田三變  
雲衣化丹竈春風草不生

毛女峰

陶思賢

一峰高截衆峰低細綠叢生夾小溪毛女洞邊畱泪竹玉姜  
天外寄孤樓千年歌舞催黃塚百戰山河賺翠桂欲與麻姑  
同控馭九天鸞鶴俯塵泥

抵建昌作索諸生和

江西政張映辰錢塘人

帆影參差落照痕竭來盱水駐輜軒連朝風雨渾無賴三月

□花何處繁好事神仙碑記在人才會李姓名存□□□□  
江山興月榭風亭細討論

書巖

曾 袞 南豐人

鬱鬱荒階綠未除洞門煙斷夕陽墟月中冷榻彈琴後水底  
濃雲洗墨餘禾黍秋風人下馬池塘春草鷺窺魚壁門苔占  
畱題處不見新安舊日書

枕漱亭 在麻姑山

曾 袞

捫壁攀蘿路九迴茫鞋踏破白雲堆輕雷迸石雙泉下深洞  
臨溪一徑開鳥倦送歸山角日鐘寒催放嶺頭梅碧幢絳節  
今何在渴想麻姑酒一杯

環勝寺尋青

黃文則 新城人

建昌府志

卷六十三

藝文紀八

二四

雪花飛絮擁群峰寒氣侵人冷似冬稍喜新晴光爛熳便扶  
短杖步從容軟風一掌春浮酒暖日雙林午放鐘歸鳥欲喧  
遊騎散匝城雲樹影重重

遊中洲寺

釋雪萍

墨花滿壁老僧吟僧老花飛院草深勝跡獨畱高士咏劫灰  
惟有綠雲陰鍾聲帶露敲明月梵響和煙繞翠微隆替不須  
關底事一莖拈出宛祇林

天峰寺次壁間韻

釋戒顯

矗立青雲第一峰移來海岱獨居衝每當日出空天曉先見  
金鋪紀嶺松溪靜遠聞千艇碓夜深高放萬家鐘巖雲時□  
山僧定片片飛回洞壑封

七言排律

送知軍曹比部移虔州

宋李覲

要知賢者善居官法自嚴明性自寬黠吏欲欺難作計愚民  
初懼久方安獄詞大小情皆見市物公私價一般農力不聞  
供土木窮閭猶得免饑寒星爲二使來巡撫考未三年悉可  
觀劇郡便當煩鎮守君恩寧許更盤桓兩轡潁水行非遠五  
袴盱江日漸單從此天衢龍躍去野人懷德謾悲酸

五言絕句

杉嶺

劉宋鮑照

古驛舊名杉煙光鎖翠嵐夜來風景好宿處是江南

送王補之

宋王安石

建昌府志

卷六十三 藝文紀八

二五

淮口西風急君行定幾時故應今夜月未便照相思

神功泉

國朝潘秉道人

壑盡水浮涼澄瑩鑑眉睫何處見神功人天兩不涉

龍門瀑

潘秉道

寒泉漱危石天風恣飛灑猶恐帶龍腥控鞭不□馬

飛鰲峰

潘秉道

何年巨鰲峰化爲蒼鐵色縱令成滄海釣者無從得

丹霞洞

潘安禮

絕嶺聳青翠陰壑迴窈窕乳鹿與時禽相將狎寒篠

齊雲寺

潘□□

我有萬古愁登此日月近何必□眺詩搔首天可□□

雲門寺

潘安禮

仙源路盤迴雲氣相出入古寺下殘鐘煙暝月光濕

挹月樓

龍鳳岩十景之二

黃鴻璐

廣昌人

挹月未得月披風共醉風何殊輞川勝入坐水簾中

鳴春橋

峭壁飛濤立破空巖穴鳴過橋尋逸老相顧不勝情

六言絕句

江樓

宋王 綱

太史常揮醉筆題詩遍滿江樓勝事盡隨流水白蘋依舊滄洲

春晚幽花對浦夜闌明月當軒好在當年勝趣登臨盡屬諸

建昌府志

卷六十三

藝文紀八

二六

孫

和答程梅南六首

選一

明 李萬實

壁淨雲開曉色波明鳥弄斜暉綠樹初收宿雨青山盡脫蒼衣

日山

陳 楠

草際依依石道松梢隱隱晴嵐落日遊人山北西風隻雁江南

芙蓉峰

國朝

嚴開禧

莫道琳宮寂寞四面山映疎窻九朵芙蓉秀出凝眸日日秋

江

七言絕句

望麻姑山

唐 鮑容

幽人往往懷麻姑  
浮世悠悠仙景殊  
自從□鳥不堪使  
更得蓬萊消息無

建昌江

白居易

建昌江水縣門前  
立馬教人喚度船  
忽似往來歸蔡渡  
草風沙雨渭河邊

因遊華子岡題麻源壁

宋 李觀

平生猶未識紅泉  
人日纔遊石磴邊  
宿雨半晴秋草濕  
困來無處可閒眠

廣福院

危固

二月楊花滿路飛  
鶯篁清巧弄晴暉  
誰知騷雅尋芳客  
寂寞

建昌府志

卷六十三

藝文紀八

二七

東風馬上歸

遊麻姑山六首

曾鞏

行盡壇前石崖路  
忽見一曲清泠泉  
酒行到我不辭醉  
安用了了分愚賢

流杯池

古杉蒼蒼橫斗文  
其幹十圍陰蔽野  
應到夜深山月來  
林色天光迷上下

七星杉

飛泉一支天上來  
寒影沉沉瀉龍穴  
山靈欲以恠動人  
山路先冬積霜雪

瀑布泉

樹杪蒼崖路屈盤  
半臺亭榭午猶寒  
平時舉眼看山處  
到此憑欄直下看

半山亭

碑文老勢信可愛  
碑意小缺誰能鐫  
已推心膽破姦宄  
□□

筆墨傳神仙 顏碑

神仙恍惚不可明空有池蓮變紅碧清香冷落秋風前似被

麻姑妬顏色 碧蓮池

題紫霄觀

蔡 枏

石梯雨過綠苔斑竹洞雲深白晝閒長恨桃花太漂泊誤隨  
流水到人間

南豐覺源寺

胡 寅

靜聞山犬吠雲根自掩柴門澗水濱四海未清眠不得此身  
猶欲畫麒□

將至建昌

楊萬里

梅雨芹泥路不佳悶來小歇野人家綠萍池沼垂楊裏初見

建昌府志

卷六十三

藝文紀八

二八

芙蕖第一花

趙宗丞奏稿

元 劉 壘

六十年前夢渺茫宗臣諫稿墨猶香夕陽影落腸空斷門掩  
東風看海棠

開慶己未避寇盱江梅憲副家及寇退憲副酌別時堂  
上海棠盛開因賦一絕於壁 劉 壘

久客如家倦出門一杯別酒併愁吞海棠也似傷離緒雨濕  
胭脂帶淚痕

紫霄雜記十首

明 李萬實

山城鼓角集鄉兵豺虎村村夜枕驚棘路只愁騎馬澁淺沙  
□作泛舟行 泛舟

柳葉初黃楓未丹偶隨樵牧過前灘遊人不識紫霄路□□  
雲邊松樹壇山行

春風秋雨石不老露檢瑤函事已空巖上幾年畱蛻骨雲中  
何處覓壺公觀蛻骨函

漢陰丈人甘息機彭澤先生生事微茆君溢我長生訣便合  
辟穀扃巖扉禮三茆祠

昞徑幽巖可避秦連歲鄉民避寇於此一溪彷彿武陵春楸枰舊着猶  
堪識似覺年來局面新着棋巖

寒泉照影笑蒼顏獨坐松間聽佩環不謂神仙能久駐祇緣  
清味欲忘還丹井

龐萌竒事傳千古突兀何年置此鄉佳石每逢先屈膝令人  
建昌府志 卷六十三 藝文紀八 二九

長憶米元章掛冠石

披雲拂棘覓荒邱萬壑千巖此最幽尙想當年點周易露珠  
滴處不勝秋尋張丹霞讀書山房

未騎子晉千年鶴試泛張騫八月槎泝入香爐峰盡處溪流  
一線得葫麻浮筏入小溪二曲

幽人霄閣鳴琴罷閣名昂霄道士星壇禮斗還偶坐翛然無一事  
焚香啜茗說青山同佩文山 中夜坐

和家升伯唐山八詠選七 國朝 徐 芳  
片雲影裏立朝暎花水村村出遠痕想像衡峰七十二祝融

還自一峰尊  
暮煙宜紫曉宜青攤入遙空卽畫屏籬下菊邊收未盡小窻

分有一疎櫺

紅塵漲處任紛菲蒼靄凝時認翠微踏到峰深人不見一天香濕上春衣

葱蘢好景亦竒文靜對方知俗是氛伴我髩華渾不厭多情惟爾與閒雲

鏡疑寒魄水疑洲峰頂徘徊恰似畱最是吾廬看處好不曾斜曲到如鉤古有曲如鉤至封侯之語吾廬東向月出必圓

輕盈片葉涌微藍葉上雲林又一簪近識此中堪結社傍僧添箇小蓮菴

百尺闌邊野鳥栖虬松雀瓦自因依春朝帶雨攜雛卧知我樓中無殺機

建昌府志

卷六十三

藝文紀八

三十

石仙觀

朱行中

青山小朶白雲堆鑿破雲根石室開一派玉簫天外至道人騎鶴夜歸來

城中小登高別業踞江山最勝先比部三十餘年經營

在目今爲墟矣愁賦四絕選二

鄧

沙晴隔岬鳳毛洲曾送寒鴉照夕樓尙記移湖安屋裏蕭森經月一梳頭

紫微街上躍三驄盛事時傳鶴髮翁今日翠虛秋色裡夕

依舊古高空同街太常左公宗鄧僉憲陳公本與先問後入臺人呼爲紫微里又曰七史街第

翠虛閣也

遊仙

蜀

萬□峰巒聳太清麻姑曾此會方平一從宴罷歸何處寶殿  
瑶臺空月明

建昌府志

卷六十三

藝文紀八

三十一